



Broj: 03-50-1-1033-2/09
Sarajevo 22.09.2009. godine

ZAPISNIK
sa 2. sjednice Nezavisnog odbora

Sjednica je održana 22. 9. 2009. godine sa početkom u 10 sati.

Sjednici su prisustvovali članovi Nezavisnog odbora: Žiko Krunić, Mato Jozić, Viktor Dadić, Ljubomir Kuravica, Enes Obralića, Dragan Savić, Stanko Nuić i Zijad Kadić. Bakir Dautbašić je opravdao odsustvo.

Pored članova Odbora sjednici su prisustvovali: Catharina De Lange iz OHR, Aida Salčinović –Federalna televizija i Zoran Brkić iz Sektora za odnose sa javnošću PSBiH.

Sjednici su prisustvovali Alma Salkić-Mijić, koja je obavljala poslove sekretara Nezavisnog odbora i Željko Grubešić, savjetnik u Nezavisnom odboru.

Sjednicu je otvorio predsjednik Žiko Krunić, koji je i sazvao sjednicu. Predložio je pauzu kako bi se članovi Nezavisnog odbora upoznali sa tekstom Nacrta poslovnika o radu Nezavisnog odbora, koji je dostavljen članovima neposredno pred početak sjednice.

Član Odbora Zijad Kadić istakao je da smatra da za razmatranje ovako važnog akta za rad Nezavisnog odbora treba više vremena nego što je pauza od sat vremena. Svi ostali članovi odbora su također zauzeli stav da je ovo važan akt za rad Odbora i da ne treba na brzinu usvajati, ali isto tako su se složili da danas treba iskoristiti vrijeme i uraditi koliko se može. Za početak rada Nezavisnog odbora neophodno je prije svega usvojiti poslovnik.

Nakon kratke diskusije, predsjednik je dao pauzu do 11 sati i 30 minuta

Nakon pauze predsjednik je predložio usvajanje dnevnog reda za današnju sjednicu.

Za sjednicu je usvojen predloženi:

DNEVNI RED :

1. Usvajanje Zapisnika sa 1. sjednice Nezavisnog odbora,
2. Razmatranje Nacrta Poslovnika o radu Nezavisnog odbora,
3. Tekuća pitanja
 - upućivanje zahtjeva Sekretarijatu Parlamentarne skupštine BiH za osiguranje adekvatnih uslova za rad Nezavisnog odbora.

Ad.1. Usvajanje Zapisnika sa 1. sjednice Nezavisnog odbora

Obzirom da niko od članova Nezavisnog odbora nije imao primjedbi na Zapisnik sa 1. sjednice Nezavisnog odbora, on je jednoglasno usvojen.

Ad.2. Razmatranje Nacrta Poslovnika o radu Nezavisnog odbora

U uvodu o ovoj tački dnevnog reda, predsjednik je u svojstvu predlagača Poslovnika o radu Nezavisnog odbora ukratko izložio njegov sadržaj, i naglasio one dijelove koje smatra najvažnijim.

Nakon toga otvorio je raspravu o ovoj tački dnevnog reda.

U raspravi su učestvovali svi prisutni članovi. Svi su se složili da je ovaj predloženi tekst dobra osnova i da suštinski ne treba puno stvari mijenjati.

Svi članovi Nezavisnog odbora su u diskusiji istakli svaki svoje primjedbe i složili se da do naredne sjednice sekretar Odbora napravi tekst poslovnika sa svim usaglašenim primjedbama, kako bi se na narednoj sjednici mogao usvojiti.

Nakon toga predsjednik je zaključio ovu tačku dnevnog reda.

Tekuća pitanja

- upućivanje zahtjeva Sekretarijatu Parlamentarne skupštine BiH za osiguranje adekvatnih uslova za rad Nezavisnog odbora

U raspravi o ovoj tački dnevnog reda jednoglasno je usvojen **zaključak**:

I Da se uputi dopis sekretaru Zajedničke službe Parlamentarne skupštine BiH sa zahtjevom da se za rad Nezavisnog odbora osigura adekvatna prostorija u zgradi Parlamentarne skupštine, sa potrebnim kancelarijskim namještajem i drugom opremom.

II Da se uputi dopis Službi za zajedničke poslove Institucija BiH sa zahtjevom da se za članove Nezavisnog odbora kada prisustvuju sjednicama Nezavisnog odbora osigura mogućnost parkiranja vozila ispred zgrade Institucija BiH.

Kako nije bilo drugih pitanja, predsjednik je u 14 sati i 30 minuta zaključio sjednicu.

Sekretar
Nezavisnog odbora
Alma Salkić- Mijić

Predsjednik
Nezavisnog odbora
Žiko Krunić